

պիտով հաց վաստակում, բայց այդ զբաղմունքը տեսում է միայն ութ ամիս:

1870 թուին Դուբեանը մտնում է Սիլևստարի Պապար Բաշիի թատրոնի դերասանական խմբի մէջ: Ականատեսների վիայութեամբ նա շնորհալի էր խաղում, անգամ որոշ դերերում տեղի է աչքի ընկել, քան հանձարեղ դերասան Պետրոս Աղամեանը:

Դուբեանը տեսնելով, որ դերասանութիւնն էլ նրան նիւթապէս չի աղահոլում, այլ յաճախ գրպանը դատարկ մնալով թշուառ եւ անպատիւ դրութեան է մատնւում, «անկողինն ատնելով՝ թատրոնից տուն է փոխադրւում», քանի որ նա զիջէրները սովորութիւն էր դարձրել թատրոնում քնել:

Գարսեղից դուրս Դուբեանն ապրել է չորս տարի միայն եւ այդ տարիների ընթացքում նա դոյւլթեան ահաւոր կռիւ է մղել մի կողմից հիւժմարտի, միւս կողմից անտեսական կարիքի դէմ: Մի կտոր հացի համար նա երբեմն գառնում է դեղատան աշկերտ, երբեմն սեղանաւորի գրազիւր կամ մասնաւոր դասեր տուող ուսուցիչ, երբեմն էլ դերասան կամ թատերգութիւններ գրող ու վաճառող: Սակայն, այդ բոլոր զբաղմունքները նրան ոչ թէ միայն ոտքի չեն կանգնեցնում, այլ աւելի են հիւժում եւ արագացնում նրա վաղաժամ մահը:

Մկրտիչ Պեչիկթաշլեանը, որ արդէն անուանի բանաստեղծ էր եւ մի օր խոստովանել էր, թէ «այս երիտասարդն ինձ պիտի դերագանցէ», ապա Սորէն Նարպէյը, Թոմաս Թերզեանը, Սրապիոն Հեքիմեանը, որոնք բոլորն էլ գիտակցում էին եւ ընդունում Դուբեանի տաղանդաւոր լինելը, չկարողացան փրկել իր կեանքի ողբերգութիւնն ապրող պատանուն, որ այնքա՛ն շատ եւ պիտանի բաներ կարող էր արտադրել հայ գրականութեան համար:

1871 թուի Դեկտեմբերի վերջին, երբ մօտենում էր 1872 թուի Կազանիցը, Դուբեանն ասում էր իր ծնողներին, թէ «այս տարի աղուոր Կազանից մը ընենք», որովհետեւ խեղճը գիտակցում էր, որ այլեւս ուրիշ կազանից չպիտի տեսնէ: Եւ իրօք, 1872 թուի Յունուար 20-ին, թոքախտից զարկուած Դուբեանը, որ տառապում էր անկողնու մէջ, կանչում է իր մօտ ծընողներին եւ յայանում նրանց, որ ինքը մեռ-

նում է, բայց խնդրում է իրեն թաղել չուքով, թէպէտ ինքը մեռնելուց յետոյ չի զգալու այդ:

Պէտք է ասել, որ բանաստեղծի մեծ եղբայր Յարութիւնը եւ նրա բազմաթիւ յարգողները ջանք չինայեցին եւ փառաւոր թաղում կազմակերպեցին «Սիլևստարի սոխակի» համար, որի անուշ եւ տխուր դայլայիկները մինչեւ այսօր չեն մոռացուել:

Դուբեանի յուղարկաւորութեանը մասնակցում էին 4000-ից աւելի համակրողներ:

Սիլևստարի Ընթերցասիրաց ընկերութիւնը մահուանից յետոյ է միայն կարողանում գնահատել տաղանդաւոր բանաստեղծին եւ հէնց նոյն տարին, 1872 թուին, լոյս է ընծայում նրա գրուած քները, որոշ օժանդակութիւն է հասցնում բանաստեղծի հարազատներին, այլ եւ մի համեստ շիրիմ է կանգնեցնում նրա դերեզմանի վրայ, որի տապանագիրը դրել է փոքր եղբայրը՝ Միհրանը՝ այսինքն՝ եղիչէ արքեպիսկոպոս Դուբեանը:

Մինչդեռ իր կենդանութեան օրով նա չէր յաջողում «մի քանի պատառ թղթերի վրայ գրած արցունքոտ տողերն արեւի լոյս տեսցընել», մահուանից յետոյ անմիջապէս տպագրւում են նրանք եւ դառնում հայ ժողովրդի սեփականութիւնը: Չմոռանանք ասել, որ «Վէրք Հայաստանին» էլ լոյս տեսաւ Արովեանի մահից յետոյ, բայց տասը տարի անցած...

Չքաւորութեան, անյաջող սիրոյ, հիւժմարտի եւ սեւ ճակատագրի անողորմ հարուածներին ենթարկուած պատանին իջաւ դերեզման մրմնջալով՝

Հէք մարդկութեան մէկ ոտը գօս՝
Հայրենիք մը ունիմ քշուառ .
Զօգնած անոր՝ մեռնի՛ր աննշան,
Ո՛հ, ա՛յս է սոսկ ցաւ ինձ համար:

III

ԴՈՒՐԵԱՆԻ ՆԿԱՐԱԳԻՐԸ
ԵՒ ԲՆԱԽՈՐՈՒԹԻՒՆԸ

Նախ քան բանաստեղծի նկարագրին եւ բնաւորութեանն անցնելը, չմոռանամ ասել, թէ այն լուսանկարը, որ յայտնի է մեզ իբրեւ Դուբեան՝ այնքան պայմանական է եւ մօտաւոր, որքան մեր պղպային եւ պատմական դէմքերի լուսանկարները...